

à Deo genitum dici, quatenus à Deo ex mortuis suscitatus, & ex terra, veluti ex utero, rursus eductus fuit in vitam; nam sic sonant verba; *Nos vobis Evangelizamus promissionem, quæ Patribus facta est, Deum vid: eam explevisse filijs eorum, id est, nobis, suscitato Iesu; ut etiam in psalmo secundo scriptum est, Filius meus es tu, ego hodie genuite.*

Per suscitationem autem ex mortuis aliquem, recte & merito Filium Dei vocari posse, natura rei indicat; Deus enim solus tum est autor vitæ istius, & in communionem ejus non venit homo ullus: & locus Luc. xx. 36. arguit evidenter, *Sunt Filij Dei, quia sunt Filij Resurrectionis*: unde & Christus dicitur, *definitus Filius Dei potenter per resurrectionem ex mortuis*, Rom. j. 4. Deniq; ad Hebr. cap. j. 4. aperte dicitur de Christo, *postquam, vel, eo ipso quod consedit ad dexteram majestatis Dei in altissimis, quod tanto præstantior factus fuerit Angelis, quanto excellentius præ illis nomen* *Κεκληρονόμηκεν.* i. e. sortitus est. *Nam cui Angelorum dixit unquam, Filius meus es tu, ego hodie genui te? Ac rursus, ego ero ei Pater & ipse mihi erit Filius.* Ex hisce liquet, quam inconsideratè Censor hic affirmet, Scripturam Christo Domino nostro, unicam tantum filiationem attribuere ex unico ad divinam & æternam ipsius generationem respectu; & contra quàm rectè, quam solidè Remonstrantes cum Scripturis asseruerint, Christum pluribus modis Filium Dei esse ac vocari. Nequis verò existimet hoc à Remonstrantibus solis, contra & præter Reforma-

Per suscitationem ex mortuis, merito quis vocatus Filius Dei.

torum, & cæterorum Christianorum omnium opinionem, statui, is videat quæ in hanc eandem sententiam subjunximus testimonia, quæ instar multorum erunt. Rudolphus Gualterus in Luc. j. Deinde

Citantur testimonia Remonstratorum in eandem sententiam.

*repetit Gabriel quod prius dixerat, Filius Dei vocabitur, quod non modo ad æternam illius divinitatem, verum etiam ad incarnationem referri debet. Ut enim, quoad divinam naturam, verus & æternus Filius est Christus, ita quoad assumptam carnem quoq; revera Filius Dei dicitur: nam si homines Dei Filios scriptura dicit, ad quos (ut Christus ait) Dei sermo factus est, id est, qui ad munus aliquod peculiare divinitus destinati sunt, quanto magis nomen hoc Christo debetur, qui ut, quoad carnem, absq; viri congressu, spiritus S. virtute & operatione singulari ex virginis substantia generatus est: Ita munus etiam à patre accepit omnium excellentissimum, ut scilicet populi Dei Rex & Sacerdos æternus, atq; unicus humani generis Redemptor sit.* Hieronymus Zanchius parte 2.

Rudolphi Gualteri in 1. cap Lucæ.

de tribus Elohim, lib. 2. cap. 6. *Sic enim dixit (Angelus) διὸ καὶ τὸ γεννώμενον ἅγιον: ideo etiam (id) quod nascetur sanctum, vocabitur Filius Dei. Quorsum illa particula copulativa καὶ, etiam? nimirum, quia vo-*

Hieronymi, Zanchij de Tribus Elohim.

N

luit